

Ineqarnermut, Attaveqarnermut Aatsitassanullu Naalakkersuisoq
Landsstyremedlem for Boliger, Infrastruktur og Råstoffer

Inatsisartunut ilaasortaq
Esmar Bergstrøm
Kalaallit Nunaanni Inatsisartut
/maani

Paamiuni ineqarnikkut pissutsit pillugit

Naalakkersuisut Paamiuni ineqarnikkut ajornartorsiutit iliuuseqarfingiarlugit qanoq pilersaaruteqarnersut Naalakkersuisunut apequtigaat.

Ilinnut ilisimatitsissutigissavara allaffeqarfiga "Pilersaarut pingaaneq 2006" pillugu ataatsimeeqattaarnernut peqataatitaqartarsimammat. Suliniut paasitinneqarnera malillugu "Pilersaarut pingaaneq 2000"-ip, A/S Inissiaatileqatigiiffik INI-p aamma Paamiut Kommuniata suleqatigiillutik suliarisimasaasa nangissutigaa.

Suliniut ilaatigut Paamiuni ineqarnikkut pissutsit pillugit tamakkiisumik siunissamulu isigaluni pilersarusiamik imaqarpoq, tassanilu maannarpiaq pissutsit imminnun akerleriippuit, tassami inissiat 100-t sinneqartut inoqanngillat, tamatumalu peqatigisaanik inissianik minnernik minnerunngitsumillu akikinnernik annertuumik ujartuisoqarpoq.

Paamiuni inissiarsuarnit ataannartunik aneerasaartarfilinnit qaqortunit maanna pigineqartunit amerlasuut isaterneqanngikkunik allanngortiterneqartussaapput iluarsartuunneqartussaallutillu. Inissiat ilaasa allanngortiterneqarnissaat iluarsartuunneqarnissaallu aalajangiunneqassappat, inissiani nutaamik iluarsartuunneqarsimasuni ineqarnermut akiliutip ullumikkornit qaffasinnerungaatsiarnissaa ilimagi-neqartariaqarpoq.

Taamaattumik illoqarfimmi inissiat inoqanngitsut akisunerusullu amerleriaannarnissaat annilaangassutigineqarsinnaavoq, soorlumi Paamiut kangianni inissiat, Paamiut Kommuniannit pigineqartut taamatut pisimasut.

Kommuni suleqatigalugu Blok Y isaterneqassasoq aalajangerneqarpoq. Tassani maannamut killiffigineqarpoq Blok Y-p inuerunnera isumannaallisarneralu. Ilisimatitsissutigissavara Blok Y-mik isaterinerup ukiamut, suliassamut aningaasaliissutisat inisseriarpata aallartissinnaanissaa naatsorsuutigineqarmat.

Aammattaaq kommuni suleqatigalugu aalajangerneqarpoq, inissiarsuit allat suut isaterneqassanersut misissuiffigineqassasoq. Tassani pineqartut tassaasinnaapput Blok S, U imaluunniit Ø. Aalajangiinissamulli teknikkikkut sukumiinerusumik misis-suinerit naammassinissaat utaqqineqartariaqarpoq.

08.09.2006
J.nr. 38.25/050

Postboks 909
3900 Nuuk
Oq/tel +299 34 54 00
Fax +299 34 54 10
iap@gh.gl
www.nanoq.gl/iap

Pingaaruteqarpoq Paamiut Kommuniata, imaanngitsoq Naalakkersuisut, illoqarfimmi ineqarneq pillugu politikkikku pilersaarusiortuunissaa aammalu ineqarneq pillugu politikkikku takorluukkanik nalunaarsuisuunissaa. Naalakkersuisut naamagisimaarlugu paasisimavaat, kommunip aamma A/S Inissiaatileqatigiiffik INI-pakornanni oqaloqatigiinneq suleqatigiinnerlu pitsaasumik ingerlanneqartoq, kisianili Paamiut Kommuniat tassaavoq akisussaasuuusussaq taamaalillunilu suliami siuttuusussaq. Tamatuma kingorna Naalakkersuisut kommunip pilersaarutaanut takorluugaanullu aningaasanut inatsimmi tamatumunnga aningaasaliisuteqartoqarsimanera apeqqutaatillugu tapersiisinnaavoq.

Kiisalu ilisimatitsissutigissavara Paamiut Kommuniata inissianik minnerusunik ujartuineq naammassiniarlugu 2007-imi kommunip illuliassaanik katiteriaannarnik 80 m²-t missaannik angissuseqartunik aalajangersimasunik amerlassuseqartunik neqeroorfingineqarnissaa suli siunnerfigineqarmat.

Naggasiutitut apeqqutigisatit, pineqartoq pillugu uannut erseqqissaanissamut paasitiisnissamullu periarfissiisut pillugit qutsavigiinnassavakkit. Inatsisartuni ilaasortat nalornilersillutik apeqqutinik paasisaqarniarlutik imaluunniit paassisutissanik annertunerusunik pissarsiniarlutik Naalakkersuisunut saaffiginnittarnissaat tamatigut pingaaruteqartapoq. Allanik apeqqutissaqassagaluaruit akissuteqarnissannut piareersimavunga.

Ikinngutinnersumik inuulluaqqusillunga

Jørgen Wæver Johansen